

怨天工恁也有安排我處

月中仙

日色西沉上高臺迥觀天地寥廓疎星隱現空一輪明月昭昭  
無著皓然三界外似百煉青銅鏡濯處處恩光被家家照臨庭  
戶起冥漠長生萬里清風助乾坤蕩搖雲霧難作仙宮寶殿  
正煉霞金碧相輝參錯大哉消夜景鎮萬古含弘磊落有志攀  
青桂蟾宮兔邊看搗藥

春從天上來

馮尊師

大道幽玄似月滿寒空水湛深淵皎潔澄清鑑物無私端的此  
理難言問高人遙指指落花飛絮翩翩草連天嘆黃花翠竹何  
道藏輯要 鳴鶴餘音 三 背集八 川又三  
異真禪 雲山萬重斷續更寂寥溪壑冷浸石田露鎖松亭風  
輕蘭榭時凭淨几忘詮對虛堂瀟灑灰心性一味翛然與誰傳  
有瓶盃燈火瓦鼎沉煙

其二

日月高奔這奧妙機塵世難聞太一壺中清江谷口芝草發蘭  
薰着金蓮佳景吐慶雲開顯生門道惟尊更資成萬化覆載乾  
坤如何四時受用要綿綿默默固蒂深根逆順陰陽窮通今  
古應變無有如神此希夷至理超名相頓了天真到頭人向華  
胥相會同賞陽春

其三